

毛詩故訓傳定本

鄘柏舟故訓傳第四

毛詩國風

鄘國十篇三十章百七十六句

柏舟二章章七句

柏舟其姜自誓也衛世子其伯蚤死其妻守義父母欲奪而嫁之誓而弗許故作是詩以絕之

汎彼柏舟在彼中河髮彼兩髦實維我儀之死矢靡它母也天只不諒人只汎彼柏舟在彼河側髮彼兩髦實維我特之死矢靡慝母也天只不諒人只

汎彼柏舟在彼中河興也中河河中髮兩髦之貌髦

者髮至眉

說文髦作髥

子事父母之飾儀匹也之死矢靡

宅矢誓靡無之至也至己之死信無宅心也母也天

只不諒人只諒信也母也天也尙不信我

也只同訓如日居月

諸居諸同訓乎天謂父也特匹也慝邪也

牆有茨三章章六句

牆有茨衛人刺其上也公子頑通乎君母國人疾之而不可道也

牆有茨不可埽也中冓之言不可道也所可道也言之醜也 牆有茨不可褻也中冓之言不可詳也所可詳也言之長也 牆有茨不可束也中冓之言不可讀也所可讀也言之辱也

牆有茨不可埽也興也牆所以防非常茨蒺藜也欲
埽去之反傷牆也中菁內菁也醜於君醜也襄除也
詳審也長惡長也束束而去之讀抽也抽當作箝說
文箝讀書也
箝之義訓抽說文敘云諷箝書九干文是也毛公及
方言皆用抽爲箝抽箝漢之古今字或段絀爲箝
辱辱君也

君子偕老三章一章七句一章九句一章八句

君子偕老刺衛夫人也夫人淫亂失事君子之道故陳
人君之德服飾之盛宜與君子偕老也

君子偕老副笄六珈委委佗佗如山如河象服是宜子
之不淑云如之何 玼兮玼兮其之翟也鬢髮如雲不

屑髢也玉之瑱也象之桴也揚且之皙也胡然而天也
胡然而帝也 玼兮玼兮玼字一作瑳淺人乃以分別二三章其之展也
蒙彼縟絺是繼袞也子之清揚揚且之顏也展如之人
兮邦之媛也

君子偕老副笄六珈言能與君子偕老乃宜居尊位
服盛服也副者后夫人之首飾編髮爲之笄衡笄也
珈笄飾之最盛者所以別尊卑委委者行可委曲蹤
迹也羔羊作從迹佻佻者德平易也如山如河山無不容

河無不潤象服尊者所以爲飾子之不淑云如之何
有子若是可謂不善乎玼鮮盛貌翟褕翟闓翟翟翟

飾衣也

翟羽之翟今補此與碩人傳翟翟車夫人以翟羽飾車文法正同說文袖字下亦云翟羽

飾衣也

黃黑髮也如雲言美長也屑絜也瑱塞耳也埽

所以撻髮也揚睂上廣也皙白皙也胡然而天也胡然而帝也尊之如天審諦如帝展禮有展衣展衣者以丹縠爲衣蒙覆也絺之靡者爲縐是繼袂也是當暑袞延之服也清視清明也揚且之顏廣揚而顏角豐滿也展誠也美女爲媛

桑中三章章七句

桑中刺奔也衛之公室淫亂男女相奔至於世族在位相竊妻妾期於幽遠政散民流而不可止

爰采唐矣沫之鄉矣云誰之思美孟姜矣期我乎桑中
要我乎上宮送我乎淇之上矣 爰采麥矣沫之北矣
云誰之思美孟弋矣期我乎桑中要我乎上宮送我乎
淇之上矣 爰采葑矣沫之東矣云誰之思美孟庸矣
期我乎桑中要我乎上宮送我乎淇之上矣

爰於也唐蒙菜名沫衛邑云誰之思美孟姜矣姜姓
也言世族在位有是惡行桑中上宮所期之地淇水

名也弋姓也

春秋定姒穀梁作定弋

庸姓也

漢有膠東庸生又有庸光

鶉之奔奔二章章四句

鶉之奔奔刺衛宣姜也衛人以爲宣姜鶉鴒之不若也

鶉之奔奔鶉之疆疆人之無良我以爲兄 鶉之疆疆
鶉之奔奔人之無良我以爲君

鶉之奔奔鶉之疆疆鶉則奔奔鶉則疆疆然良善也
兄謂君之兄君國小君

定之方中三章章七句

定之方中美衛文公也衛爲狄所滅東徙渡河野處潛
邑齊桓公攘戎狄而封之文公徙居楚上始建城市而
營宮室得其時制百姓說之國家殷富焉

定之方中作于楚宮揆之以日作于楚室樹之榛栗椅
桐梓漆爰伐琴瑟 升彼虛矣以望楚矣望楚與堂景

山與京降觀于桑卜云其吉終然允臧 靈雨旣零命
彼倌人星言夙駕說于桑田匪直也人秉心塞淵騶牝
三千

定營室也方中昏正四方作于楚宮楚宮楚丘之宮
也仲梁子曰初立楚宮也揆度也度日出日入以知
東西南視定北準極以正南北室猶宮也椅梓屬虛
潛虛也堂楚丘有堂邑者景山大山京高丘也降觀
于桑地勢宜蠶可以居民也龜曰卜允信臧善也建
國必卜之故建邦能命龜田能施命作器能銘使能
造命升高能賦師旅能誓山川能說喪紀能諫祭祀

能語君子能此九者可謂有德音可以爲卿大夫零落也。倌人主駕者匪直也。人非徒庸君也。秉操也。馬七尺以上曰駉。駉牝駉馬與牝馬也。

蝥螋三章章四句

蝥螋止奔也。衛文公能以道化其民淫奔之恥。國人不齒也。

蝥螋在東莫之敢指。女子有行遠。父母兄弟朝。躋于西。崇朝其雨。女子有行遠。兄弟父母乃如之。人也懷昏姻也大無信也不知命也。

蝥螋在東莫之敢指。蝥螋虹也。夫婦過禮則虹氣盛。

君子見戒而懼諱之莫之敢指躋升崇終也從旦至食時爲終朝乃如之人乃如是淫奔之人也不知命不待命也

相鼠三章章四句

相鼠刺無禮也衛文公能正其羣臣而刺在位承先君之化無禮儀也

相鼠有皮人而無儀人而無儀不死何爲 相鼠有齒人而無止人而無止不死何俟 相鼠有體人而無禮人而無禮胡不遄死

相視也無禮儀者雖居尊位猶爲闇昧之行止所止

息也俟待也體支體也遄速也

千旄三章章六句

千旄美好善也衛文公臣子多好善賢者樂告以善道也

子子千旄在浚之郊素絲紕之良馬四之彼姝者子何以畀之 子子千旄在浚之都素絲組之良馬五之彼姝者子何以予之 子子千旄在浚之城素絲祝之良馬六之彼姝者子何以告之

子子千旄之貌千旄注旄於千首大夫之旂也

千者竿之

借浚衛邑古者臣有大功世其官邑郊外曰野素絲

紕之良馬四之紕所以織組也總紕於此成文於彼
願以素絲紕組之法御四馬也妹順貌男子也鳥隼
曰旗下邑曰都素絲組之總以素絲而成組也五之
驂馬五轡析羽爲旌城都城也祝織也此謂段借祝與織雙聲而
合音最近六之四馬六轡

載馳五章一章六句二章章四句一章六句一章
八句

載馳許穆夫人作也閔其宗國顛覆自傷不能救也衛
懿公爲狄人所滅國人分散露於潛邑許穆夫人閔衛
之亾傷許之小力不能救思歸唁其兄又義不得故賦

是詩也

載馳載驅歸唁衛侯驅馬悠悠言至于潛大夫跋涉我心則憂 既不我嘉不能旋反視爾不臧我思不遠 既不我嘉不能旋濟視爾不臧我思不閔 陟彼阿丘言采其蠶女子善懷亦各有行許人尤之眾穉且狂 我行其野芃芃其麥控于大邦誰因誰極大夫君子無我有九百爾所思不如我所之

載辭也弔失國曰唁悠悠遠貌潛衛東邑草行曰跋涉行曰涉不能旋反言不能旋反我思也我思不遠不能遠衛也濟止也閔閉也陟彼阿丘言采其蠶偏

高曰阿丘螽貝母也

此謂螽即
蒿之段借

升至偏高之上采其

螽者將以療疾行道也九過也眾穉且狂是乃眾幼

穉且狂也狂

也字狂
字今補

進取一槩之義我行其野芃芃

其麥願行衛之野麥芃芃然方盛長也控引極至也

不如我所之不如我所思之篤厚也

衛淇奧故訓傳第五

毛詩國風

衛國十篇三十四章二百三句

淇奧三章章九句

淇奧美武公之德也有文章又能聽其規諫以禮自防故能入相于周美而作是詩也

瞻彼淇奧綠竹猗猗有匪君子如切如磋如琢如磨瑟兮僩兮赫兮咺兮有匪君子終不可諼兮 瞻彼淇奧綠竹青青有匪君子充耳琇瑩會弁如星瑟兮僩兮赫兮咺兮有匪君子終不可諼兮 瞻彼淇奧綠竹如簣有匪君子如金如錫如圭如璧寬兮綽兮倚重較兮倚作

猗者善戲謔兮不爲虐兮

瞻彼淇奧綠竹猗猗興也奧隈也綠王芻也竹蕭竹

也猗猗美盛貌武公質美德盛有康叔之烈匪文章

貌

謂匪卽斐之段借

治骨曰切象曰磋玉曰琢石曰磨如切

如磋道其學而成也如琢如磨聽其規諫以自修如

玉石之見琢磨也瑟矜莊貌間寬大也赫有明德赫

赫然咍威儀容止宣著也諼忘也青青茂盛貌充耳

謂之瑱瑱瑩美石也天子玉瑱諸侯以石會者所以

會髮

六字依正義正義引嚴禮注收者所以收髮證傳會者所以會髮之文孔氏所見傳未誤也此

蓋毛公謂經會爲證之段借周禮故書王之皮弁龍五采玉璫大鄭云證讀如馬會之會謂以五采束髮

也土喪禮擗用組讀與稽同說曰以組束髮乃著弁
謂之擗玉裁按然則詩謂以骨撻髹髮以組束之乃
加弁而光耀如星三家詩必有作髹者髹說文弁皮
云骨撻之可會髮者正與毛傳周禮大鄭注同弁皮
弁各本作弁皮弁所以會髮不辭由淺人不解會者
所以會髮之文乃刪會者二字併倒置其文今正
之如簪積也此謂是設借如金如錫如圭如璧金錫鍊而精

圭璧性有質也寬能容眾綽綽也重較卿士之車善
戲謔兮不爲虐兮言寬緩弘大雖則戲謔不爲虐矣

考槃三章章四句

考槃刺莊公也不能繼先公之業使賢者退而窮處

考槃在澗碩人之寬獨寐寤言永矢弗諼 考槃在阿

碩人之邁獨寐寤歌永矢弗過 考槃在陸碩人之軸

獨寐寤宿永矢弗告

考成樂樂也山夾水曰澗曲陵曰阿適寬大貌

此謂適卽

寢之

軸進也

此謂軸卽

弗告無所告語也

碩人四章章七句

碩人閔莊姜也莊公惑於嬖妾使驕上僭莊姜賢而不
荅終以無子國人閔而憂之

碩人其碩衣錦褰衣齊侯之子衛侯之妻東宮之妹邢
侯之姨譚公維私手如柔荑膚如凝脂領如蝤蛸齒
如瓠犀螭首娥眉巧笑倩兮美目盼兮碩人敖敖說
于農郊四牡有驕朱幘儵儵翟茀以朝大夫夙退無使

君勞 河水洋洋北流活活施罔滅滅鱸鮓發發葭莢
揭揭庶姜孽孽庶士有暵

頎頎具長貌

依玉篇

衣錦娶衣衣錦文衣也夫人德盛

而尊嫁則錦衣加褰襜東宮齊大子也女子後生曰
妹妻之姊妹曰姨姊妹之夫曰私手如柔荑如萸之
新生膚如凝脂如脂之凝領頸也蝻蟥蝟也瓠犀瓠
瓣螭首額廣而方也

此下當有娥眉好貌四字娥字

騷正如此凡娥眉古書或作蛾段借字耳娥者美好
輕揚之意小顏乃有形若蠶蛾之說蠶蛾有毛角非
眉也倩好曰輔盼白黑分教教長貌農郊近郊驕壯兒

朱幘儻儻幘飾也人君以朱纁鑣扇汗且以爲飾儻

儵盛兒

依玉篇作儵儵

翟翟車夫人以翟羽飾車第蔽也大

夫夙退無使君勞大夫未退君聽朝於路寢夫人聽
內事於正寢大夫退然後罷洋洋盛大也活活流也
眾魚呿濊濊施之水中鱣鯉也鮪鮪也發發盛兒葭
蘆茨亂也揭揭長也孳孳盛飾庶士齊大夫送女者
揭武壯貌

此謂揭卽仡之假借說文仡仡勇壯也

氓六章章十句

氓刺時也宣公之時禮義消亡淫風大行男女無別遂
相奔誘華落色衰復相棄背或乃困而自悔喪其妃耦
故序其事以風焉美反正刺淫泆也

眠之蚩蚩抱布貿絲匪來貿絲來卽我謀送子涉淇至
于頓丘匪我愆期子無良媒將子無怒秋以爲期 乘

彼垝垣以望復關不見復關泣涕漣漣

漣當作連
字之誤也

旣見

復關載笑載言爾卜爾筮體無咎言以爾車來以我賄

遷 桑之未落其葉沃若于嗟鳩兮無食桑甚于嗟女

兮無與士耽士之耽兮猶可說也女之耽兮不可說也

桑之落矣其黃而隕自我徂爾三歲食貧淇水湯湯

漸車帷裳女也不爽士貳其行士也罔極二三其德

三歲爲婦靡室勞矣夙興夜寐靡有朝矣言旣遂矣至

于暴矣兄弟不知咥其笑矣靜言思之躬自悼矣 及

爾偕老老使我怨淇則有岸隰則有泮總角之宴言笑晏晏信誓旦旦不思其反反是不思亦已焉哉

氓民也蚩蚩者敦厚之貌布幣也上一成爲頓上愆過也將願也境毀也復關君子所近也不見復關泣涕漣漣言其有一心乎君子故能自悔龜曰卜蓍曰

筮體兆卦之體賄財遷徙也桑女功之所起沃若猶沃沃然于嗟鳩兮無食桑甚鳩鵲鳩也食桑甚過則

醉而傷其性于嗟女兮無與士耽耽樂也此謂耽卽

說文曰媿樂也耽耳大垂也女與士耽則傷禮義隕隋也湯湯水

盛貌帷裳婦人之車也爽差也極中也啞其笑矣啞

啞然笑悼傷也泮坡也總角結髮也晏晏和柔也旦旦信誓旦旦然說文引信誓旦旦旦即恒字當是傳以是然釋旦旦也箋云是言其懇惻款誠正申毛意。此亦虛也之例謂此旦旦字即懇惻款誠之旦旦字非日出地之旦也

竹竿四章章四句

竹竿衛女思歸也適異國而不見答思而能以禮者也
籊籊竹竿以釣于淇豈不爾思遠莫致之 泉源在左
淇水在右女子有行遠兄弟父母 淇水在右泉源在
左巧笑之瑳佩玉之儺 淇水泱泱檜楫松舟駕言出
游以寫我憂

籊籊竹竿以釣于淇興也籊籊長而殺也釣以得魚

如婦人待禮以成爲室家泉源小水之源淇水大水也嗟巧笑貌儺行有節度泚泚流貌檜楫松舟檜柏葉松身楫所以擢舟也擢从手引也作擢誤舟楫相配得水而行男女相配得禮而備出游思鄉衛之道也

芄蘭二章章六句

芄蘭刺惠公也驕而無禮大夫刺之

芄蘭之支童子佩觿雖則佩觿能不我知容兮遂兮垂帶悸兮 芄蘭之葉童子佩鞶雖則佩鞶能不我甲容兮遂兮垂帶悸兮

芄蘭之支興也芄蘭草也君子以德當柔潤溫良以

也能左右之曰以言君子用有德
之臣當柔潤溫良此從宋本岳本
之佩也人君治成人之事雖童子
猶佩鵠早成其德能不我知不自
謂無知無當作有以驕慢人也容兮容儀
可觀遂兮佩玉遂遂然垂帶悸兮
垂其紳帶悸悸然有節度也韞決
也能射御則佩韞甲狎也此謂段借

河廣二章章四句

河廣宋襄公母歸于衛思而不止故作是詩也

誰謂河廣一羣杭之

杭說文作杭

誰謂朱遠跂予望之誰

謂河廣曾不容刀誰謂朱遠曾不崇朝

杭渡也

伯兮四章章四句

伯兮刺時也言君子行役爲王前驅過時而不反焉

伯兮揭兮邦之桀兮伯也執殳爲王前驅 自伯之東

首如飛蓬豈無膏沐誰適爲容 其雨其雨杲杲出日

願言思伯甘心首疾 焉得諼草言樹之背願言思伯

使我心痠

伯州伯也揭武貌桀特立也殳長丈二而無刃自伯

之東首如飛蓬婦人夫不在無容飾適主也杲杲出

日杲杲然日復出矣甘厭也諼草

此用古文
卽蒺藜字也

令人善

忘憂背北堂也痠病也

有狐三章章四句

有狐刺時也衛之男女失時喪其妃耦焉古者國有凶
荒則殺禮而多昏會男女之無夫家者所以育民人也
有狐綏綏在彼淇梁心之憂矣之子無裳 有狐綏綏
在彼淇厲心之憂矣之子無帶 有狐綏綏在彼淇側
心之憂矣之子無服

有狐綏綏在彼淇梁興也綏綏匹行兒石絕水曰梁
之子無室家者在下曰裳所以配衣也厲深可厲之
旁帶所以申束衣無服言無室家若人無衣服

木瓜三章章四句

木瓜美齊桓公也衛國有狄人之敗出處于漕齊桓公救而封之遺之車馬器服焉衛人思之欲厚報之而作是詩也

投我以木瓜報之以瓊琚匪報也永以爲好也 投我以木桃報之以瓊瑤匪報也永以爲好也 投我以木李報之以瓊玖匪報也永以爲好也

木瓜楸木也可食之木瓊玉之美也

瓊爲玉之美者故引伸凡石之

美皆謂瓊如瓊琚瓊瑤瓊華瓊瑩瓊玖瓊佩玉石玉瓊英瓊瑰皆是也應劭曰瓊玉之華也琚佩玉石玉石者謂佩玉納閒之石也雜佩謂之佩玉有琚瑀以納閒琚瑀皆美石也鄭風正義釋文皆引說文琚佩玉名名亦石之誤此

傳石誤爲名久矣

瓊瑤瑤美石正義作美玉誤也

說文現珉珉皆石之美者周禮王獻玉爵后獻璚玖璚爵禮記玉爵獻卿璚爵獻大夫是其等差璚玖玉石色者今此傳作玉名乃玉石之誤耳玉石見揚雄蜀都賦漢書西域傳師孔子曰吾於木瓜見苞古曰玉石石之似玉者也 苴之禮行

王黍離故訓傳第六

毛詩國風

王國十篇二十八章百六十二句

黍離三章章十句

黍離閔宗周也周大夫行役至于宗周過故宗廟宮室
盡爲禾黍閔周室之顛覆彷徨不忍去而作是詩也

彼黍離離彼稷之苗行邁靡靡中心搖搖知我者謂我
心憂不知我者謂我何求悠悠蒼天此何人哉 彼黍
離離彼稷之穗行邁靡靡中心如醉知我者謂我心憂
不知我者謂我何求悠悠蒼天此何人哉 彼黍離離
彼稷之實行邁靡靡中心如噎知我者謂我心憂不知

我者謂我何求悠悠蒼天此何人哉

彼彼宗廟宮室邁行也靡靡猶遲遲也中心搖搖憂
無所愬也悠悠遠意蒼天以體言之尊而君之則稱
皇天元氣廣大則稱昊天仁覆閔下則稱旻天自上
降鑒則稱上天據遠視之蒼蒼然則稱蒼天彼黍離
離彼稷之穗穗秀也詩人自黍離離見稷之穗故歷
道其所更見中心如醉醉於憂也彼黍離離彼稷之
實自黍離離見稷之實也中心如噎憂不能息也王篇
作謂噎憂不能息也噎憂雙
聲字憂老子作憂氣並也

君子于役二章章八句

君子于役刺平王也君子行役無期度大夫思其危難以風焉

君子于役不知其期曷至哉雞棲于埘日之夕矣羊牛下來君子于役如之何勿思 君子于役不日不月曷其有佖雞棲于桀日之夕矣羊牛下括君子于役苟無飢渴

鑿牆而棲曰埘佖會也雞棲于杙爲桀括至也

君子陽陽二章章四句

君子陽陽閔周也君子遭亂相招爲祿仕全身遠害而已

君子陽陽左執簧右招我由房其樂只且 君子陶陶
左執翽右招我由敖其樂只且

陽陽無所用其心也簧笙也由用也房國君有房中
之樂陶陶和樂貌翽翽也翽也之上當有蘇字
也之
例

揚之水三章章六句

揚之水刺平王也不撫其民而遠屯戍于母家周人怨
思焉

揚之水不流東薪彼其之子不與我戍申懷哉懷哉曷
月予還歸哉 揚之水不流東楚彼其之子不與我戍

甫懷哉懷哉曷月子還歸哉 揚之水不流東蒲彼其
之子不與我戍許懷哉懷哉曷月子還歸哉

揚之水不流東薪興也揚激揚也戍守也申姜姓之
國平王之舅楚木也甫諸姜也蒲草也許諸姜也

中谷有蓷三章章六句

中谷有蓷閔周也夫婦日以衰薄凶年飢饉室家相棄
爾

中谷有蓷嘆其乾矣有女仳離嘅其嘆矣嘅其嘆矣遇
人之艱難矣 中谷有蓷嘆其脩矣有女仳離條其猷
矣條其猷矣遇人之不淑矣 中谷有蓷嘆其溼矣有

女此離啜其泣矣啜其泣矣何嗟及矣

中谷有蓷暵其乾矣興也蓷離也

說文蓷萑也

暵菸貌陸

草生於谷中傷於水也此別也艱亦難也脩且乾也
且者將然之詞幽風子尾修傳曰修修敝也此修義同條其獻矣條條然獻也
溼離遇水則溼也啜泣貌

兔爰三章章七句

兔爰閔周也桓王失信諸侯背叛構怨連禍王師傷敗
君子不樂其生焉

有兔爰爰雉離于羅我生之初尙無爲我生之後逢此
百罹尙寐無吽 有兔爰爰雉離于罟我生之初尙無

造我生之後逢此百憂尙寐無覺 有兔爰爰雉離于
置我生之初尙無庸我生之後逢此百凶尙寐無聰
有兔爰爰雉離于羅興也爰爰緩意鳥網爲羅言爲
政有緩有急用心之不均尙無爲尙無成人爲也羅
憂叱動也孚覆車也造爲也置罟也庸用也聰聞也

葛藟三章章六句

葛藟王族刺平王也周室道衰棄其九族焉

緜緜葛藟在河之滸終遠兄弟謂他人父謂他人父亦
莫我顧 緜緜葛藟在河之涘終遠兄弟謂他人母謂
他人母亦莫我有 緜緜葛藟在河之滸終遠兄弟謂

他人昆謂他人昆亦莫我聞

縣縣葛藟在河之滸興也縣縣長不絕之貌水厓曰

滸終遠兄弟兄弟之道已相遠矣涖厓也謂他人母

王又無母恩也

正義謂此爲箋蓋誤不言王無父恩王又無昆恩者不待言也嫌王非母

故特釋之有父

滸水隙也昆兄也

禮喪服曰小功以下爲兄弟篇中言

兄弟者自其親疏言之謂於王疏也喪服曰昆弟曰

從父昆弟曰從祖昆弟曰族昆弟雖疏必曰昆弟親

親之辭也此詩自偁曰兄弟謂王曰昆不豫以其戚

戚君而得循九族之例也謂王曰父母者九族中從

采葛懼讒也

采葛三章章三句

彼采葛兮一日不見如三月兮 彼采蕭兮一日不見如三秋兮 彼采艾兮一日不見如三歲兮

彼采葛兮興也葛所以爲絺綌也事雖小一日不見於君憂懼於讒矣蕭所以共祭祀艾所以療疾

大車三章章四句

大車刺周大夫也禮義陵遲男女淫奔故陳古以刺今大夫不能聽男女之訟焉

大車檻檻毳衣如綦豈不爾思畏子不敢 大車噉噉毳衣如繡豈不爾思畏子不奔 穀則異室死則同穴 謂子不信有如皦日

大車檻檻毳衣如蒺大車大夫之車檻檻車行聲也

毳衣大夫之服蒺騊也

程氏瑤田曰騊當作騊馬蒼白雜毛曰騊取其同色

蘆

之初生者也

蘆當作藿

天子大夫四命其出封五命如子

男之服乘其大車檻檻然服毳冕以決訟畏子不敢

畏子大夫之政終不敢也噶噶重遲之貌璊璊玉也

穀則異室死則同穴穀生皦白也生在於室則外內

異死則神合同爲一也

丘中有麻三章章四句

丘中有麻思賢也莊王不明賢人放逐國人思之而作

是詩也

上中有麻彼畱子嗟彼畱子嗟將其來施施 上中有
麥彼畱子國彼畱子國將其來食 上中有李彼畱之
子彼畱之子貽我佩玖

上中有麻彼畱子嗟畱大夫氏子嗟字也上中堯塢
之處盡有麻麥草木乃彼子嗟之所治施施難進之
意子國子嗟父將其來食子國復來我乃得食也貽
我佩玖玖石次玉者言能遺我美寶

鄭緇衣故訓傳第七

毛詩國風

鄭國二十一篇五十三章二百八十三句

緇衣三章章六句

緇衣美武公也父子竝爲周司徒善於其職國人宜之故美其德以明有國善善之功焉

緇衣之宜兮敝予又改爲兮適子之館兮還予授子之粲兮
緇衣之好兮敝予又改造兮適子之館兮還予授子之粲兮
緇衣之蓆兮敝予又改作兮適子之館兮還予授子之粲兮

緇衣之宜兮敝予又改爲兮緇黑色卿士聽朝之正

服也改更也有德君子宜世居卿士之位焉適子之館兮還予授子之粢兮適之館舍粢依釋文作也禮公殯五年以諸侯入爲天子卿士受采祿好猶宜也下是也薦大也

將仲子三章章八句

將仲子刺莊公也不勝其母以害其弟弟叔失道而公弗制祭仲諫而公弗聽小不忍以致大亂焉

將仲子兮無踰我里無折我樹杞豈敢愛之畏我父母仲可懷也父母之言亦可畏也將仲子兮無踰我牆無折我樹桑豈敢愛之畏我諸兄仲可懷也諸兄之言

亦可畏也 將仲子兮無踰我園無折我樹檀豈敢愛之畏人之多言仲可懷也人之多言亦可畏也

將請也仲子祭仲也踰越里居也二十五家爲里杞

木名也折言傷害也牆垣也桑木之衆也

當云木之衆者也

比諸兄多言

諸兄公族園所以種木也檀彊忍之木

忍周禮注

作刃謂堅也

叔于田三章章五句

叔于田刺莊公也叔處于京繕甲治兵以出于田國人說而歸之

叔于田巷無居人豈無居人不如叔也洵美且仁 叔

于狩巷無飲酒豈無飲酒不如叔也洵美且好 叔適
野巷無服馬豈無服馬不如叔也洵美且武

叔大叔段也田取禽也巷里塗也冬獵曰狩

大叔于田三章章十句

大叔于田刺莊公也叔多才而好勇不義而得眾也

叔于田乘乘馬執轡如組兩驂如舞叔在藪火烈具舉
袒裼暴虎獻于公所將叔無狃戒其傷女 叔于田乘
乘黃兩服上襄兩驂鴈行叔在藪火烈具揚叔善射忌
又良御忌抑磬控忌抑縱送忌 叔于田乘乘馬兩服
齊首兩驂如手叔在藪火烈具阜叔馬慢忌叔發罕忌

抑釋棚忌抑鬯弓忌

叔于田乘乘馬叔之從公田也執轡如組兩驂如舞

驂之與服和諧中節也藪澤禽之府也烈列謂烈爲列之段

也借具俱也謂具爲俱之段借袒裼肉袒也暴虎空手以搏之

狃習也乘黃四馬皆黃也揚揚光也忌辭也騁馬曰

磬止馬曰控發矢曰縱從禽曰送驪白雜毛曰騶齊

首馬首齊也如手進止如御者之手也阜盛也慢遲

罕希也棚所以覆矢鬯弓弣弓此謂鬯卽襄之段借

清人三章章四句

清人刺文公也高克好利而不顧其君文公惡而欲遠

三言集 卷一 三
之不能使高克將兵而御狄于竟陳其師旅翱翔河上
久而不召眾散而歸高克奔陳公子素惡高克進之不
以禮文公退之不以道危國亡師之本故作是詩也

清人在彭駟介劬劬二矛重英河上乎翱翔 清人在
消駟介廌廌二矛重喬河上乎消搖 清人在軸駟介
陶陶左旋右抽中軍作好

清邑也彭衛之河上鄭之郊也介甲也重英矛有英
飾也消河上地也廌廌武貌重喬累荷也

荷上聲沈
重及正義

說是軸河上地也陶陶驅馳之貌左旋講兵右抽抽矢
以射中軍作好居軍中爲容好

羔裘三章章四句

羔裘刺朝也言古之君子以風其朝焉

羔裘如濡洵直且侯彼其之子舍命不渝 羔裘豹飾

孔武有力彼其之子邦之司直 羔裘晏兮三英粲兮

彼其之子邦之彥兮

如濡潤澤也洵均侯君也渝變也豹飾緣以豹皮也

孔甚也司主也晏鮮盛貌三英三德也彥士之美稱

遵大路二章章四句

遵大路思君子也莊公失道君子去之國人思望焉

遵大路兮摯執子之祛兮無我惡兮不寔故也 遵大

路兮摯執子之手兮無我敵兮不逮好也

遵循路道摯摯袂袂也逮速也敵棄也

釋文曰敵本亦作敵案說

文友部敵棄也引詩無我敵兮此毛正從友也鄭箋作醜訓惡醜與醜同

女曰雞鳴三章章六句

女曰雞鳴刺不說德也陳古士義以刺今不說德而好色也

女曰雞鳴士曰昧旦子興視夜明星有爛將翱將翔弋鳬與鴈弋言加之與子宜之宜言飲酒與子偕老琴瑟在御莫不靜好知子之來之雜佩以贈之知子之順之雜佩以問之知子之好之雜佩以報之

明星有爛言小星已不見也將翱將翔弋鳬與鴈閒
於政事則翱翔習射也宜翕也琴瑟在御莫不靜好
君子無故不徹琴瑟賓主和樂無不安好也雜佩者
珩璜琚瑀銜牙之類問遺也

有女同車二章章六句

有女同車刺忽也鄭人刺忽之不昏於齊太子忽嘗有
功于齊齊侯請妻之齊女賢而不取卒以無大國之助
至於見逐故國人刺之

有女同車顏如舜華將翱將翔佩玉瓊琚彼美孟姜洵
美且都 有女同行顏如舜英將翱將翔佩玉將將彼

美孟姜德音不忘

同車親迎同車也舜木槿也佩玉瓊琚佩有琚瑀所

以納閒也

此與上篇傳相足

孟姜齊之長女都閒也

閒者嫻之段借

行行道也

衍一行字

英猶華也佩玉將將鳴玉而後行也

山有扶蘇二章章四句

山有扶蘇刺忽也所美非美然

山有扶蘇隰有荷華不見子都乃見狂且

山有橋松

鄭易橋爲槁

隰有游龍不見于充乃見狡童

山有扶蘇隰有荷華興也扶蘇扶胥木也

此從釋文無小字爲

長正義作小木乃淺人用鄭說增字非也毛云高下大小各得其宜高下謂山隰大謂扶蘇松小謂荷龍

正言以刺忽與鄭說異鄭乃互易其小大耳呂覽及漢書司馬相如劉向揚雄傳枚乘七發許氏說文皆謂扶疎爲大木許氏扶荷華荷扶渠也荷本葉名以作扶古疏習蘇通用也淺人於此刪下荷字乃不辭矣其華菡萏言高下大小各得其宜也子都世之美好者也狂狂人也

且辭也

周頌傳曰且此也狂且言狂如此既且言既如此

松木也龍紅草也

子充良人也校童昭公也

薜兮二章章四句

薜兮刺忽也君弱臣強不倡而和也

薜兮薜兮風其吹女叔兮伯兮倡予和女 薜兮薜兮

風其漂女叔兮伯兮倡予要女

蔣兮蔣兮風其吹女興也蔣稿也人臣待君倡而後

和叔伯言羣臣長幼也倡予和女君倡臣和也漂猶

吹也

漂與吹不同義而漂因吹致故曰猶吹凡訓詁言猶者視此

要成也

狡童二章章四句

狡童刺忽也不能與賢人圖事權臣擅命也

彼狡童兮不與我言兮維子之故使我不能餐兮 彼

狡童兮不與我食兮維子之故使我不能息兮

狡童昭公有壯狡之志也

壯狡與月令之壯狡皆當作姦姦好也有壯姦之志

正義以童心釋之是也

不能餐憂懼不遑餐也不與我食不與

賢人共食祿不能息憂不能息也

憂上當有噓字與黍離傳同

褻裳二章章五句

褻裳思見正也狂童恣行國人思大國之正己也

子惠思我褻裳涉溱子不我思豈無他人狂童之狂也
且子惠思我褻裳涉洧子不我思豈無他士狂童之
狂也且

惠愛也溱水名也狂童之狂也且言狂行童昏所化

也

童依說文當作僮僮未冠也引伸之曰童昏二篇同

洧水名也士事也

經本作事

傳本作事士也謂事即士之段借轉寫以注改經又以經改注經果是士字何須傳乎前文士曰昧旦何無與士耽皆不傳

丰四章二章章三句二章章四句

丰刺亂也昏姻之道缺陽倡而陰不和男行而女不隨
子之丰兮俟我乎巷兮悔予不送兮 子之昌兮俟我
乎堂兮悔予不將兮 衣錦褰衣裳錦褰裳叔兮伯兮
駕予與行 裳錦褰裳衣錦褰衣叔兮伯兮駕予與歸
丰豐滿也巷門外也悔予不送兮時有違而不至者
昌盛壯貌將行也衣錦褰裳嫁者之服叔伯迎己者
東門之壇二章章四句

東門之壇刺亂也男女有不待禮而相奔者也

東門之壇茹蘆在阪其室則邇其人甚遠 東門之栗
有踐家室豈不爾思予不我卽

東門之壇茹蒹在阪東門城東門也壇除地町町者
茹蒹茅蒐也男女之際近則如東門之壇遠而難則
如茹蒹在阪邇近也得禮則近不得禮則遠栗行上
栗也踐淺也卽就也

風雨三章章四句

風雨思君子也亂世則思君子不改其度焉

風雨淒淒雞鳴喈喈既見君子云胡不夷 風雨瀟瀟
雞鳴膠膠既見君子云胡不瘳 風雨如晦雞鳴不已
既見君子云胡不喜

風雨淒淒雞鳴喈喈興也風且雨淒淒然雞猶守時

而鳴喈喈然胡何夷說也瀟瀟暴疾也膠膠猶喈喈也瘳愈也晦昏也

子衿三章章四句

子衿刺學廢也

釋文定本皆無校字

世亂則學校不脩焉

青青子衿悠悠我心縱我不往子寧不嗣音 青青子佩悠悠我思縱我不往子寧不來 挑兮達兮在城闕兮一日不見如三月兮

青衿青領也學子之所服子寧不嗣音嗣習也古者教以詩樂誦之歌之弦之舞之佩佩玉也士佩瑳珉而青組綬不來者言不一來也挑達往來相見貌在

城闕兮乘城而見闕也一日不見如三月兮言禮樂不可一日而廢

揚之水二章章六句

揚之水閔無臣也君子閔忽之無忠臣良士終以死匹而作是詩也

揚之水不流東楚終鮮兄弟維予與女無信人之言人實廷女揚之水不流東薪終鮮兄弟維予二人無信人之言人實不信

揚之水不流東楚揚激揚也激揚之水可謂不能流漂東楚乎廷誑也

此謂
段借

維予二人二人同心也

出其東門二章章六句

出其東門閤亂也公子五爭兵革不息男女相棄民人思保其室家焉

出其東門有女如雲雖則如雲匪我思存縞衣綦巾聊樂我員 出其閨闈有女如荼雖則如荼匪我思且縞衣茹蘆聊可與娛

如雲衆多也匪我思存思不存乎相救急縞衣綦巾聊樂我員縞衣白色男服也綦巾蒼艾色女服也願室家得相樂也閨曲城也閤城臺也荼英茶也言皆喪服也茹蘆茅蒐之染女服也娛樂也

野有蔓草二章章六句

野有蔓草思遇時也君之澤不下流民窮於兵革男女失時思不期而會焉

野有蔓草靈露漙兮

定之方中靈雨既零毛云零落也故鄭釋靈爲善此章鄭則云靈落

也讀靈爲零也詳正義

有美一人清揚婉兮邂逅相遇適我願兮

野有蔓草靈露漙漙有美一人婉如清揚邂逅相遇

與子偕臧

野有蔓草靈露漙兮興也野四郊之外蔓延也漙漙

然盛多也清揚睂目之間

君子偕老傳曰清視清明也揚睂上廣也故此傳總

之曰睂目之間謂睂目都好也若爾雅目上爲名郭注睂眼之間與此辭同意異

婉然美也

邂逅不期而會適我願兮適其時願
灑灑盛貌臧善也

溱洧二章章十二句

溱洧刺亂也兵革不息男女相棄淫風大行莫之能救焉

溱與洧方渙渙兮士與女方秉蘭兮女曰觀乎士曰既且且往觀乎洧之外洵訏且樂維士與女伊其相詭贈之以勺藥
溱與洧瀏其清矣士與女殷其盈矣女曰觀乎士曰既且且往觀乎洧之外洵訏且樂維士與女伊其將詭贈之以勺藥

溱洧鄭雨水名渙渙春水盛也蘭蘭也許大也勺藥
香草澍深貌殷衆也